

鄧海濱著

環遊二十九國記

世界書局印行



目次

序	一一二
贅言	一一二
日本	一一〇
美洲五國	一七七
美利堅	一
墨西哥	二九
巴拿馬	三四
古巴	四四
加拿大	五九
法蘭西	一一九
瑞士	一二九

意大利……麻納哥……	一一三八
奧大利……	一一一〇
匈牙利……	一一一七
捷克斯拉夫……	一一一二
德意志……	一一一八
瑞典……挪威……丹麥……	一一一六
荷蘭……	一一一三
比利時……盧森堡……	一一一四
英吉利……	一一二〇
葡萄牙……西班牙……	一一三三
地中海東岸諸國——非洲——歸途……	一一〇〇
希臘……	一
土耳其……	一七

西里亞	三四
巴力士登	四二
埃及	四六
印度	七四
新加坡	八二
安南	八七
旅行意見	一一九
中西文人名地名對照表	一一六
附索引	一一〇

捷克斯拉夫

九日早由匈都布達佩斯乘火車西返。赴奧都維也納。午餐後遊奧國國會。其規模與匈國會同。蓋匈之國會。實倣奧也。兩院同在一處。原日衆議院可容五百餘人。今衆議院祇有一百六十五人。無須此大議場。已改用原日之參議院爲會場。將衆議院封鎖。而參議院祇有五十人。卽改原日參議院對面之一廳爲之。導者爲原日門者。言時正如白頭宮女。談開元天寶遺事。不勝今昔之感。至現時兩院黨別。衆議院基督社會黨七十三人。社會民主黨七十一人。國家主義黨二十一人。參議院社會民主黨二十四人。基督社會黨二十二。國家主義黨四人。

下午五時許。乘火車北行。赴捷克斯拉夫 *Tchéco-Slovaquie* 國都巴拉加 *Prague*。林雖不少。但不如西行之整齊。田園之修治。似亦稍遜。入夜出奧境。並護照亦不一查。西行至匈牙利時。亦如之。迨捷克查驗護照後。就座而睡。至十一時許而醒。捷克國都巴拉加至矣。一路風景。惜全未觀。是日共至三國國都。歐洲交通之便。於此可見。而鄰國相望。雞犬之聲相聞不虛也。

捷克在五世紀時成立王國。其後爲奧所併。奧地利皇即兼爲捷克王。歐戰時捷克軍人反奧而助協約國。戰後以民族自決。各國承認其獨立。而創造民主共和國。其國土係割奧國工業最盛之波希亞。摩拉維亞。細勒西亞。三州。及匈國農業最盛之斯拉伐克。羅泰尼亞二州而成。面積五萬六千方哩。人口一千四百萬左右。其產業實佔奧匈原日十分之八。富厚可想而知。此新立之國。首屈一指者。

十日參觀捷克國都之差利第四大學 *Université de Charles IV*。由其祕書長 *Jaroslav Cech* 招待。此大學係捷克最大者。創於一三四八年。差利第四係捷克之賢王。亦創辦此校。故校卽以其名名之。校分五科。哲學科。宗教科。文科。醫科。理科。學生有八千四百

人。女生占一千六百人。以學哲學醫學醫科爲多。其教授待遇。第一年薪金三萬九千捷幣。(每捷幣合中國七分左右)第二年四萬三千。第三年四萬八千。第四年五萬八千。至第八年後可得六萬六千。薪金之外。復有特別優待金。蓋教授有子三人。則年津貼九千捷幣。此外每屆考試期。復有考試金。

捷克原有大學二。立國後增設二大學。從前大學悉用德文課授。今改用捷克文。惟留一校課授德文。以爲在捷克境之德人種就學。尙有規模較小之一大學。用俄文課授。蓋爲捷克境俄種人就學之便。

除大學外有音樂專門二。工藝專門。農業專門。獸醫學校。美術學校各一。捷克全國教育經費。據一九二七年調查。各大學及獸醫學校年費三千九百三十餘萬。較立國初年增多二千三百八十七萬餘。此總數中差利第四大學占一千三百五十六萬餘。此外應推獸醫學校。其數爲一千萬。除此項經常費外。尙有特別預備費八百七十餘萬。

高等專門學校經費共七千八百三十四萬餘。其中天文學院年費七百四十餘萬。中等教育經費。普通中學一萬八千一百六十八萬六千餘。中等師範二千一百二十九萬餘。中等

各種專門一萬一千八百餘萬。

初級教育經費爲一萬四百三十萬八千餘

廢疾人學校。卽盲啞學校之類。爲一千萬。

農民學校一千四百餘萬。

補助貧學生費一千餘萬。

科學院展覽會及戲院宣傳國史等津貼二千萬。

據差利第四大學祕書長言。捷克亡國三百餘年。以致未受教育者。占大多數。卽交教育。亦用德文。致人忘故國。今捷克教育方針。(一)力求普遍。(二)悉用捷克文。并言近日差利第四大學。將有東方學院之設。此院原應早成。因一通中國文之教授逝世。致停頓。今已另覓得一人。或可早日成立。深盼以後兩國互派學生。以謀學術與國交之日益聯結。言時出東方英文時報相示。謂伊對中國事甚研究。亦希望甚大。極盡誠懇之情。

參觀圖書館。館中藏書數十萬。中有手抄本數千。各圖書館均有抄本。但多宗教之書

。此則兼有醫書及各科學書。此外尚有古物之陳列。

捷克總統瑪薩里克 Masaryk。係哲學教授。前任議員時。屢提關捷克自立案。奧政府去其教授之職。逐其出境。乃之英。英皇授以教授銜。歐戰發生。卒努力達所志。被舉爲總統。任期七年。去年再被舉。現年七十八歲。出入多徒步。且有時乘馬。自稱仍爲教授。不以總統稱。捷克無論何黨派。皆愛戴之。因欲一見其人。遂投刺往晤。由其秘書長 Dr. Vladimír Kučera 接待。謂總統適在山間養病。離京不過數十基羅米達。欲晤面者。可乘車前往。伊一面電告之。余不欲多往返。遂謝之。彼云。欲詢何事。伊可代答否。余乃詢其捷克立國後。最注重之政策。彼答曰。第一教育。第二交通。因捷克亡國後。奧匈冀消滅捷克人之民族思想。故不使習捷克文。故捷克立國以後。增設中小各學二千餘校。一律課授捷克文。同時須使捷克人有高深學問。故新設二大學。及高等專門各校。現又將再設一大學。至交通。戰前在奧匈管轄下。道路不修。交通困難。政府現定一大計劃。建築二大道。(一)自法加爾省經巴黎。至德國。經捷克。直達莫斯科。(二)則由意大利直貫捷克而北。二道若成。則集中歐洲交通於捷克。成十字形。此費甚

鉅。現已有十萬萬捷幣之基本金。此基本金以轉運公司與有汽車者擔負爲多。然非十年尙難籌辦妥當。其成功則更需時日矣。

詢其立國後歷年財政收支之增減。答曰。捷克教育交通二費雖大增。而財政收支則大減。一九二十年收入。爲三百六十萬萬捷幣。今年預算則爲一百三十萬萬捷幣。幾減去三分之二。蓋財政爲人民負擔。國家少用一文。則人民少一分負擔。故不急之費。力求減縮也。其減縮之原因。則數年來裁汰行政人員。至一萬有奇。同時爲其覓生利職業。其減縮重要原因。則捷克戰前。用奧幣。奧幣破產。受其影響。社會生活日高。其時財政亦大增。一九二十年捷克幣制自立之後。物價漸跌。民生日舒。稅收日增。同時預算復日減。今年收支已相抵。明年可望有贏餘。而政府尙欲再將財政減縮。否則人民見國家預算過多。則將日抬貨價。貨價增。國家之險象隨之。故國家萬不能濫費。至收入之大宗。煙草專賣爲其一。每年可十三萬萬。占預算十分之一。

詢其兵額若干。答云十三萬常備兵。現國會主張設特種兵。如意大利棒喝團之黑衣軍者。實則我欲以私擁兵。人之欲私。誰不如我。兵之可爲我私擁者。又何不可爲他人

私權。不徒傷財。適以增亂。現各人多明此理。此主張已成畫餅矣。

詢其對於工人居住。有如糕也納爲其建築否。答曰政府專爲工人建築居住則無。但政府現定工人居室建築章程。凡工人欲依章建築住居而無力者。政府代向銀行借貸之。息由政府負擔。貸金則由工人償還。

詢其向來捷克多大地主。政府如何處理。答云。歐戰前捷克爲地權最不公平之國。一千八百九十六年捷克有數省。耕地所屬。共一百四十八萬三千四百七十五人。其中一百○四萬五千八百二十二人。每占耕地不過一萬米達方尺。此一百○四萬餘之人。實占農民百分之七十。而耕地僅占百分之七。反之其中有三百五十一之大地主。每人竟占二萬萬米達方尺之耕地。占全國百分之二十七。戰是之故。人民離國他適者。達二百萬。卽美國亦已有一百二十萬。且爲人耕。終不如自耕之力。如是一年之穫。不足半年之食。農民遂棄田舍而趨城市。此莫大之憂也。此等農制。若不從根本改革。則國將不國。改革農制。各國久思行之。但不澈底。如一八八二年之俄。一八八七年與一八九二年之英。一九○四年之丹麥瑞典。一九○八年之法蘭西西班牙。匈牙利始終未舉行。雖一九二

一年之革命。其所欲行者。乃共產黨之惡政。非欲調節地權也。至捷克所行之農政改革。乃對於從前佔地過於百五十萬米達方尺膏腴之地。或二百五十萬米達方尺半耕之地者。政府將其超過之地。給價收回。其地價自不能以一九一九年至二十二年之價高時爲標準。而以戰前一九一三年之地價爲收回底價。至奧匈王族貴族不費力而得之地。則代價又自不同。給價之法。或給其一部。其一部則給年利四厘之債券。逐年并最少清還所欠百分之二、〇五之地價。如是逐年政府可減利息。而地主亦得資以營他業。但收地價。用款至多。濫發紙幣。又將妨礙財政。補救之法。政府可不收其應收之全部。地主可將其應收未收之地開墾。開墾後政府再收回時。須加給其開墾之資。及因開墾而增之利。政府收地之後。可任意或租。或賣。或給與欲耕之人。但政府特別優待謀獨立而戰。及貧而無田可耕之人。至農民有小地者。政府常給以鄰地。俾其擴充至百萬米達方尺以上。一百五十萬米達方尺以下之耕地。若森林則多收歸國有。因捷克少森林。不得不由政府負責發展也。農民雖有耕地。若無農居。仍難耕種。政府已於一九二三年爲築農居八百。此後逐年增築。關於改農制款項收支。特設一董事會。會長一人。副會長二人。董

事十二人。會長副會長由閣員選舉。董事由國會選舉。各選舉後。均由總統委任。此外有分局八十一。分理各地之事。改革農政後。第一年收回之地。為三百九十六萬三千〇六十四米達方尺。耕地不過三分之一。但所收之地。已領耕者。則不過六分之一耳。同時政府得森林地有一百萬米達方尺。

詢其捷克政黨情形。答云。各黨均有。至國會議席以農民黨為多。共產黨亦有二百萬選舉票。但捷克之共產黨不受第三國際授權。且以捷克國利為前隄。故無礙於國家。舉例言之。本年七月七日。共產黨

(上幅此於吳聯拒曾生學大利空暇之年十三典瑞) 橋利差京捷



將爲大宣傳大運動。內務部一令卽止之。若用循循善誘方法。捷克共產黨。不久將無形消滅。

談後臨別。殷殷以二國交好爲訂。再聲言可乘車往晤總統。伊當電告。仍謝之。此祕書長亦大學教授也。

遊差利第四橋。橋跨易北河之摩爾刀河。依凡爾賽條約。捷克可自由運貨。由此河直達漢堡。此橋十七世紀初捷克大學校長教授會率學生拒瑞典兵於此。故捷克視爲歷史上一大紀念。橋端水港。名水城。蓋水港中之屋。悉如意大利水城之建築也。鋼乘車至一小山。山有林。中有高六十餘米達之鐵塔。係紀念一九二三年捷克展覽會者。乘電車而登其巔。全城入覽。左望有大運動場一。數年前世界大運動會。卽開於此。塔旁有一室。中有油畫。繪捷克大學員生拒瑞典兵於差利第四橋上之情形。一一如真。蓋最近係異物。如瑞士所觀之普法戰爭法兵敗入瑞士圖。但較小耳。再遊王宮。此宮除總統府外。內務外交各部在焉。道路凹凸不平。導者曰。向者捷克之財。均集諸維也納。故王宮道路尙如此。宮甚大。有房千餘。旁有大教堂。係當時王所祈禱處。王宮及教堂正大興土

術。開費二十萬元。此時之維也納。宮院則反近於蕪毀矣。王宮旁。有僅可舉頭之小屋一列。名曰點金巷。蓋當時化學家云能點石成金。王召試其術。數月無效。乃遂去。此則當時之化驗室也。但此化學家點金雖不成。對於製磁反有發明。以視吾國道家之點石成金者究有間。

十一日參觀市政廳。廳建於十三世紀。門前有一鐘塔。其鐘計月計日。復計時。并於月中標明本月工作。如春耕秋穫之類。每屆一時。鐘響時。鐘上有一門。輪流出現人物。此鐘於一四九〇年爲一大學教授所製。至今不壞。可珍之至。遊俄國難民室。室無樓。一長列如種花溫室。此種難民。受蘇俄共產黨壓迫而逃出者。聞有二萬。捷克政府特築室以居。并強其子女入學。昔之目不識字者。聞今有進大學者矣。

經一新而弊之建築物。導者曰。此總統出私資建此。以居貧學生者。每月有津貼。至畢業爲止。

參觀國會。其國會正因農民天災補助法案。召集特別會議二日。議事時。場內議員坐席者甚少。一議員發言時。同意者鼓掌。以助其威。反對者插言。以亂其勢。無何兩黨

互罵。擦掌磨拳。幸其座位分黨而坐。適中隔一中立黨。否則當打成一團。臨表決時。議員紛紛入席。有一黨則完全退席。只留二女議員在坐。似爲偵刺。結果人數不足。不能解決。場中共有老女議員數人。其餘議員。亦無四十以下者。新興之國。亦重老成耶。是日參觀者爲衆議院。有議員額三百人。六年一任。其參議院則百五十人。八年一任。

遊博物院。院甚大。陳物品甚多。尤以鑛類爲特色。捷京人口七十萬。歐戰前則不及六十萬。街道雖寬宏。但不甚平。商業雖稱盛。入夜皆閉門。息電燈。迥非各都會之不夜天者可比。旅館中工人暢談時事。大有吾粵工人之風。并略知中國事一二。真難能者。至國中文告標識。悉改用捷克文。指導員須經過考驗。故能揚國光。

十二早乘火車由捷京赴德意志之德勒斯登 *Dresden*。二國國境隔以山。出入境均照例驗護照。入德境後。林漸密。田益治。甚至石山均翠柏叢生。望塵知馬足。德人之能力。大可知矣。林中見鹿二。一大一小。野鹿之見。以此爲創。將近德勒斯登時。工廠林立。至下午二時。而德勒斯登至矣。